


# Mataayo 1




Elisabeeti hubaykee kosi, qatlay giyaa ilii dayri slehheeri lahho'o, Iliitleemu yaa yaabi malayika Gaburiyeeli tongoo da Nasareetige da hhapee da Galilaayage waara. Ina gi hadakay daqa sagameeriya wakay, daa kahha kikito'oo, daa eteediidine na Mariyaa. Ina dagaa hhe'esi dagaay daamisi ha heedi waku, daa eteediidine na Yoseefu gu afamaraa gu mutemi Dawdi.




Te'esii malayikakee sagagi kaay ina  
tuba, "Mariyaa, hhanti tla'amuta!  
Ma'aana igi haă slaydi hhoinay gu  
didiru daqa Iliitleemuge. Itatiisi!  
Inkoo, igi hay loayda haa hay  
daada naw, haa haguri ayida  
uma na Yeesu. Naki, heedi  
gu didiru tleehhidi haa duguti  
eteedina ha hida na Nanku  
Iliitleemu gu Rawaa gu Idadu  
Sliimaage Waara."



“Kara Taataa Iliitleemu sugu  
hadisi ina kitii gu tawaaloo gu  
mutemi Dawdi, kookoo gosi.  
Ina tawaalina kabiraa da  
Yakoobo koraraa haa  
koraraa goóba hiifaakoo.  
Kara Tawaaloo  
dosi maa kontaabaa  
hiifaakoo etaa!”



Da hhe'esi Mariyaa gi maasidi  
malayikakee tuba, “Ana malee slaw  
daaú, ma'aana kahha kikito'oo?”  
Malayikakee gi ilakísi ina tuba,  
“Igi digaa ilii khayi ha Muuna gu  
Iliitleemu, haa hiidahhasa  
da Iliitleemu gu Rawaa  
gu Idadu Sliimaage  
Waara, yondita wa'ay  
kokii. Inkoo, nakee  
duguti tlinti'isi daqa  
Iliitleemuge haa  
  
duguti eteedi,  
Nanku  
Iliitleemu.”



Nama balalu hhakeesii, Mariyaa gi cira hhiyuti,  
gi hadakaydi yaamu wakinay naqatloo  
hhapee da Yudaayage, daa kooma omeeri.  
Ina giyaa ilii daadi taysi,  
gii daadi mara gu  
Sakariyaage haa gi  
cehheemisidi  
Elisabeeti. Cirakiray  
qatlay Elisabeeti  
giyaa ilii akhasidi  
cehheemisu gu  
Mariyaa, naw gi tloosi  
wa'ay gu gura'a gosii.



Nama te'esii leẽ Elisabeeti dagagi hacisi  
Muuna gu Iliitleemu. Elisabeeti gi maahhadi  
hari/uuru, gi kaadi sa  
Mariyaa tuba, “Igi,  
digii/aafi ha Iliitleemu  
ba/ay da tigay goõ!  
Slime nakee gu gura'a  
googii waara, ina see  
duguñ/aafi.”



Hii na catimisu gu hiidawaraa da Yeesu Kristu.  
Mariyaa iyoo dosi dagaa  
hiidaamisi ha Yoseefu.  
Inkoo, inay hingaa ilii  
kahhiye khabiibiru, Mariyaa  
tay kahhada kikito'oo, gi  
slaydi gura'a hari  
uuру gu Muuna gu  
Iiitleemu. Yoseefu,  
hhawata gosi, sa gimba yaa  
heedi gu kooma ibinnaa daa  
tafa'adi, giyaa slaiyaaba  
muriidisa pandaa da hidage.  
Teesaaqay, yaa piimuudi  
mawaraa hadee dosi  
hari hhaaboo.



Qatlay giyaa ilii ilahudeedemisiye gimbakee, yu'udiyaa malayika gu Taataa Iliitleemu gi iliical Yoseefu tletaage. Malayika gi kaay tuba, “Yoseefu nanku Dawdi, hhanti tla'amuta khaboo Mariyaa, sa gimba gura'a gi konte, ginti slaydi hari/uuru gu Muuna gu Iliitleemu. Ina maa hiidaada naw, ugu hagurimaa ayida uma na Yeesu, sa gimba ina namaa ilabu'una hida kosi tlakwaroo dooinaa.”



Qatlay Yoseefu giyaa iliitlay gu'udeego, gi yondiidi idoo sugwaa ilii ilakaay gooay ha Malayika gu Taataa Iliitleemu. Ina higi khabimi Mariyaa, girigi tosaa waaudi aya gosii. Teesaaqay see, ina giraan guiiba, Mariyaa yaati amoolaa hiidaadi naw. Yoseefu gurigi ayi uma gosi na Yeesu.



Balalu hhakesii, mutemi gu didiru Kaysaari Aguusito  
gu hhapee da Ruumi yaa ilafahhi tuba, hida goō  
goó ibiidee hhapapu, doó  
tawaaline ha sirikariinii da  
Ruumi, umaīi  
koina digi  
faadiye.



Inkoo, hida sliimaa gi kiři yaamu koinay digaa  
ili laqwali, umaīi koina digigi handikiru kay.



Teesaaqay, sa gimba Yoseefu yaa hiidayuumimoo gu afamaraa gu mutemi Dawdi, slime gi waaudi te'esaa tongoo da Nasareetigo da hhapee da Galilaayage waara, yade naqatloo yaamu gu Dawdi doó



eteedine na Beteleheemu  
gu hhapee da Yudaayage waara.



Yoseefu dugugi handikiru kay yade sliimaa haa  
Mariyaa, giyaay daamisi, slime daa gura'a.



Inkoo Yoseefu haa  
Mariyaa giyaa ilii  
Beteleheemuge wanee,  
Mariyaa baloo dosi day  
dawaraa gi bu'uti.



Ina gii daadi naw gu badiisu, gugi ilacuudi hari qayroo,  
gugi tosaa qaatisidi khooslimoo daa ilii /agiigine  
yakway. Yaa teesaaqay laqadi,  
sa gimba daqa yaa wantaaba  
mara gu  
dahaage.



Te'esii hhapetesii da Yudaayage, yaa wanay  
de'emiisee wakinay, gwaa ibimaamidee kweerage  
hhapetesii. Inay yaati ga/aa/ayay

raqoo gu ku'unaanay

gooina  
hari  
amasi.



Inkoo, cirakiray malayika gu Taataa Iliitleemu giyaagi  
iliical inay. Te'esii, wanqamee da Taataa Iliitleemu  
gii wanqasidi inay bareemoo sliimaa.

Inay gi tla'amuudiri hari  
khisla.



Malayika gi kaay sa inay tuba, “Hhanti tla'amutay!  
Yu'udiyaa, ana sanguranti khay gimba gu hhou guraa  
khawa hha'aloo da didiri daqa hida  
sliimaage.”



“Letuti, Beteleheemuge, yaamu gu Dawdi,  
Ilabu'umiisay dugungii day sa unkuray,  
ina na Kristu, Looimoo gu Goō.”



“Kara daqa doogunay laqaru gu ma'asa gimbaki na  
nahiñ tuba, Beteleheemuge hagoo slayday naw duguñ  
ilacuuy hari qayroo haa duguñ qaatisi  
khooslimoo doó ilii/agine  
yakway.”



Cirakiray, raqa da didiri da malayika yaagii ca/adi  
rawgo, hingigi ilagaasidi haa malayikakee.  
Inay gonkoinaa gi tlaatleesiri

daareesa Iliitleemu,



kakaanay tuba,  
“Iliitleemu dugu  
daareesiye  
rawaa gu rawge!”

“Kara khoorooge qasaw wane, daqa hida  
hhaka'ay saa laqami ha Iliitleemu  
hhoinay gosi gu didiru.”



Qariqaaqari malayikatee giyaa ilii kündi rawaa gu rawge,  
de'emiisetira hingigi wariikaayri inay haa inay tuba,  
“Paaree Beteleheemuge, ma arimaa kayni gimbaki gunii  
caú, sandii kaay ha Looimoo gu  
Goõ hari amoo da malayika.”



Teesaaqay, inay gi cira hadakayri  
Beteleheemuge. Qatlay giyaa ilii dayri,  
yade gi slayri Yoseefu haa Mariyaa, haa  
gi aniri nakira duguū qaatsi khooslimoo  
doó ilii /agine yakway.



Qatlay de'emiisetee giyaa ilii aniri  
nakee, gi ilakeesiri sa hida goō  
gwaa te'esii waaree, gimba gu  
nakee sigaani kaay ha malayika.



Yeesu dugwaa  
yaamu gu  
Beteleheemuge  
laqwali gu hhapee  
da Yudaayage  
waaree,




qatlay Heroode giyaa ilii mutemi.  
Yu'udiyaa! Qariqaaqari dugwaa ilii  
laqwali, hida gwaa somimee gimba  
gu tica/eerii yadaa ilacindoo gu  
rawaago, yaa khayri Yerusaleemuge.

Inay gi maasiri hida  
tuba, "Kaano nakee,  
diī laqwali mutemi  
gu Wayahuudi?



Dandiray haani arini tica/u gosi,  
ilacindoo gu rawaago, haani khayni  
magu hha'aleesani pandaa dosii."


Te'esii, Heroode giyaa ilii  
akhasi gimbakee, ina gigi  
eteedi hari siiri hida  
hhakira gwaa somimee  
gimba gu tica/eerii, ma  
mai nara'a daqa dooinaa,  
qatlay loi tica/u giyaa iliica/.



Da hhe'esi, gigi ya/abi  
Beteleheemuge, gi kaay  
tuba, "Taa/amida la  
dabiiduu kayday hari  
maguuma gimba gu nakee.  
Goo iliislaydee, sinaraa  
khaydee gimbakee,  
ana see slime magu  
hha'aleesa kay."



Qariqaaqari giyaa ilii itatiisiri mutemi, hida hhakee gi waaudiri. Yu'udiyaa, ticaukee giyaa aniri ilacindoo gu rawaage gi giyaadi pandaa dooinay, gi tosaa qadida kay rawaa gu daqatiray, daa iliiwane naw.



Inay giyaa ilii guniri wa'ay gu marakeesii, yaa aniri  
nakee sliimaa haa iyoo dosi Mariyaa, gi keebbeeimidiri  
haa gii gupuūmisiri sagaii koina  
daqa nakeesii. Da hhe'esi, gi  
gweediniri curuqeeraa koina,  
sugugi hadisiri sahaabu,

ubaanii haa  
manemaane.



Iiitleemu giyaa ilakaay inay tletaage tuba, hhanti kíiyay  
daqa mutemi Heroodege. Teesaaqay, gi kíiri  
yaamu koinay hari amoo waka.




Qariqaaqari, hida hhakee gwaa  
somimee gimba gu tica/eerii  
giyaa ilii waaudiri, malayika gu  
Taataa Iliitleemu yaa iliical  
Yoseefu tletaage, sugugi kaay  
tuba, "Tlayii! Oyii naw sliimaa  
haa iyoo dosi, lakida  
hhapee da Misirige. Ibiida  
taysi qatlayka'a naqatloo  
sugumaa ilii

kaawe sa gimba mutemi  
Heroode gu slai dabiidu  
nakee, magu gaasi."





Teesaaqay, Yoseefu gii tlay, gii  
oyi naw sliimaa haa iyoo dosi,  
gi waaudiri hari amasi yade  
Misirige. Inay gi ibiidiri taysi  
gwaa'araa damutemi Herooke  
naqatloo. Gimbakee yaa  
teesaaqay hiicai dama  
hiigaasi gimba daa kaay  
haa Taataa Iiitleemu  
hari amoo da



tletimiisay tuba, “Nankoy  
hagwaa eteedi, ina yaagi  
waaudi Misirigo.”





Qatlay Heroode giyaa ilii  
baraslayi tuba, hida hhakee  
gwaa somimee gimba gu  
tica/erii guntii coriri, yaa  
slahhaai hari khisla.



Ina gi ilafahhi sirikaarii dosi  
yaamu gu Beteleheemuge  
haa tongagu goō gu ilaciyaa,  
ma cuūduū kayri ya'ay goō gu  
hhawatee gu koomee koraraa  
cada haa hhaā gu biraan kosii  
waaree.



Ina yaa teesaaqay  
laqi, ilakhuukhu'usa da  
qatlaykira tica/u giyaa iliica/i,  
giyaa ilii mai daqa hida gwaa  
somimee gimba gu tica/erii.



A colorful illustration of the Holy Family in flight. Mary, on the left, wears a white headscarf and blue dress, holding the baby Jesus wrapped in a white cloth. Joseph, on the right, has a long black beard and hair, wearing a red robe and a red headband. They are riding a brown donkey with a yellow harness. A large wooden bucket with a red strap is tied to the donkey's back. They are walking through a landscape with grey hills under a clear blue sky.

Qariqaaqari Heroode giyaa ilii  
hhami, malayika gu Taataa  
Iliitleemu yaa iliicaá Yoseefu  
tletaage yade Misirige.

Malayikakee sugugi kaay  
tuba, “Tlayii! Oyii naw  
sliimaa haa iyoo dosi,  
kiá hhapee da  
Israelige, ma'aana  
hhakira

gwaa slaee gaasaraa  
nakee, hii kakaári.”



Teesaaqay see, Yoseefu  
giyaa ilii akhasi tuba,  
Arikelaayo yaa  
tawaalimi hhapee da  
Yudaaya daqa da  
Heroode

taataa gosi,  
yaa tla'amuudi  
hadakawa yade. Ina dugugi  
ilakaay tletaage ha malayika, gi  
waaudi bara da hhapee da Galilaayage.



Ina yade gi ibinaa  
kay tongoo daa  
eteediidine Nasareeti.  
Teesaaqay, tletirukira  
dugwaa  
hiigaasi

daa kaay hari  
amoo da tletimiisee  
tuba, “Dugumaati  
eteedi Nasareetimoo.”



Iliitleemu yaa slai hida gu khooroo, ina  
yaati amoolaa hadisi Nankosi gu leẽ,  
kila heedi goó/imbá ina, ma may  
hhama, ina hiti slaye slafimaa  
gu koraraa haa koraraa  
goóba hiifaakoo.



Waruumi 3:23 Hida goō hiī yondiidiri tlakwaroo haa yoó afariibukudiyayi wanqamee da Iliitleemu.

Waruumi 6:23 Gu lou, bueemaa gu tlakwaroo ti gwaa ' araa. Sawaadii doó hadisiye ha Iliitleemu ti ibinaa da koraraa gooba hiifaakoo hari amoo da ilagaasaraa haa Kristu Yeesu, Looimoo goori.

Waeburaaniyaa 9:27 Iliitleemu gooay, idoo giyaa ilii ilakhuukhu ' usi, hida sliimaa ti kakaīyay waa leē kilesi, da hhe 'esi ina gigi hukuna inay.

Waefeeso 2:8,9 Unkuray dangwaati ilabu 'umi ha Iliitleemu hari hhoinay gosi gu didiru, hari amoo da /mbaraa dooguna Yeesu Kristu. Gimbaki yaatii caī hari amoo da maguuma doogunaaba, haā ti idoo sangoó qaye ha Iliitleemu hari ihīī 'i. Kara, hari amoo da yondu googunaaba guhhou, heedi lensee hingimaa baatii giiduubi.



Waruumi 10:9,10 Sa gimba, bere kaada hari afa googu loi tuba, “Yeesu ti Looimoo gu Goō,” haa gi iliipa 'anta muuna googuu tuba, Iliitleemu gwaa slafisi ina ayisago, dugu ilabu ' una. Heedi yoóti/imbí Yeesu hari muuna gosi, sa gimbakee Iliitleemu gu tosaa faadi kona ibinaa daa tafa ' adi pandaa dosii. Kara, yoóti kaay hari afa gosi, dugu tosaa ilabu ' una.

Yohaana 3:16,17 Iliitleemu yaa slai hida gu khooroo, ina yaati amoolaa hadisi Nankosi gu leē, kila heedi goó/imbá ina, ma may hhama, ina hiti slaye slafimaa gu koraraa haa koraraa goóba hiifaakoo. Iliitleemu yaati ya/abiiba Nankosi khoorooge, ma hukumi khooroo. Ina gwaati ya/abi, hari amoo dosi khooroo dagama ilabu ' umi.



1 Yohaana 5:11-13 Ilatlawatee na nahaā tuba, Iliitleemu sindii hadisi slafimaa gu koraraa haa koraraa goóba hiifaakoo, kara, slafimaa hhakee wanay daqa Nankosii. Kila heedi gu kooma Nanku Iliitleemu, hikee kona slafimaa hhanki gu koraraa haa koraraa goóba hiifaakoo. Ina guba Nanku Iliitleemu, hikee konaaba slafimaa hhanki gu koraraa haa koraraa goóba hiifaakoo.

Ana sangu handikiikima gimbaki sa unkuray, goó/ímbanee uma gu Nanku Iliitleemu, ma caahhadiri tuba, unkuray kontay slafimaa gu koraraa haa koraraa goóba hiifaakoo.



Mataayo 1-2; Luuka 1-2

Storyline by: Edward D. Hughes

Illustrated by: M. Maillot  
and Alastair Paterson

Adapted by: E. Frischbutter; Sarah S.

Burunge Bible (bds) © (Active), Wycliffe Bible Translators,  
Inc. All rights reserved.

<https://www.bible.com/en-GB/bible/2304/MAT.1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

